



AUSTRHEIM KOMMUNE
Sætremarka 2
5943 AUSTRHEIM

Dato: 25.03.2019
Vår ref.: 2016/4091-64
Saksbehandlar: snowaag
Dykkar ref.:

Trekking av motsegn – kommuneplanens arealdel – Austrheim kommune, 2018 - 2028

Me viser til e-post datert 05.03.19 frå Austrheim kommune v/ Asbjørn Nagell Toft, der De ber om at vår motsegn datert 14.06.2016 blir trekt ettersom revidert arealdel no er i tråd med våre krav.

Utval for Kultur, idrett og regional utvikling vedtok å gå til motsegn i saka den 08.06.2016, me visar til pkt. 7 i vedtaket:

- I. Føresegner knytt til LNF-område med høve til spreidd bustadbygging og spreidd næring tek ikkje nok omsyn til potensial for funn av automatisk freda kulturminne.
- II. Føresegner for omsynssone bevaring av kulturmiljø (H570) og bandlegging etter kulturminnelova (H730) er ikkje tilstrekkeleg integrert i planføresegnene.
- III. Riksantikvaren sitt forslag til føresegner for Austrheim mellomalderkyrkjestad må innarbeidast i planføresegna, og den mellomalderske delen av kyrkjegarden må markerast i plankartet med omsynssone bandlegging etter kulturminnelova (H730).

Utval for Kultur, idrett og regional utvikling fatta i følgjande vedtak under punkt 7 ved andre gongs høyring:

Utvalet for kultur, idrett og regional utvikling meiner at planen ikkje godt nok følgjer opp motsegnspunkt frå førre høyringsrunde. I tråd med dialog med kommunen, må følgjande punkt endrast i planen:

I: Legg følgjande føresegn til § 3.2 Spreidd byggeområde (bustad, næringsbygg, fritidsbusetnad)
«Alle nye tiltak i LNF-område med spreidd byggeområde skal sendast Hordaland fylkeskommune for vurdering av kulturminneinteresser og for å oppfylle undersøkingsplikta, jf. kulturminnelova §§ 3, 8 og 9».

II: Legg følgjande retningsline til § 4.2.5 Bevaring kulturmiljø (H570)
«Ved utarbeiding av reguleringsplanar og gjennomføring av tiltak på enkeltobjekt eller område innafor omsynssone kulturmiljø skal kulturhistoriske verdiar takast vare på og sikrast varig vern»

III: Legg inn bandlagt område (H730) i plankart for mellomaldekyrkjegard på Austrheim (askeladden id 83830-4)

Kommunen må legge følgjande føresegn til § 4.2.6 Bandlagt kulturminne (H730) mellomaldekyrkjegard id 83830-4: *«Mellomaldekyrkjegarden er eit automatisk freda kulturminne. Innanfor mellomaldekyrkjegarden*

er gravlegging berre tillate i gravfelt som har vore i kontinuerleg bruk etter 1945. Gravfelt som ikkje har vore i bruk etter 1945 skal ikkje brukast til gravlegging eller andre inngrep.»

«Alle inngrep i grunnen eller andre tiltak som kan verke inn på det automatisk freda kulturminnet er ikkje tillate utan etter dispensasjon frå kulturminnelova. Eventuell søknad om løyve til inngrep skal sendast rette kulturminnestyresmakt, Riksantikvaren, i god tid før arbeidet er planlagt sett i gang. Kostnader knytt til nødvendige undersøkingar og eventuelle arkeologiske utgravingar vert belasta tiltakshavar.»

Hordaland fylkeskommune ga følgjande fråsegn knytt til kulturminne og kulturmiljø ved tredje gongs offentleg ettersyn:

Kulturminne og kulturmiljø

Hordaland fylkeskommune har vurdert planen som regional sektorstyresmakt innan kulturminnevern.

Fylkeskonservatoren har ansvar for å samordne kulturminnefaglege innspel frå Riksantikvaren og Bergens Sjøfartsmuseum.

Me visar til pkt. 7 i vedtak i utval for kultur, idrett og regional utvikling av 08.06.2016 sak 87/16, samt vårt fråsegn datert 22.03.2018.

Austrheim kommune sitt forslag til kommuneplan er i strid med kulturminne av nasjonal interesse. Det er framleis knytt motsegn til punkt 2. og 3. i det nemnde vedtaket. Følgjande må rettast opp i planframlegget:

Så langt me kan sjå er ikkje bevaring kulturmiljø (H570) kartfesta. Det er knytt føresegn til temaet i KPA § 4.2.5. Bevaring kulturmiljø (H570), i planskildring og saksdokument skriv kommunen at «nokre område har fått omsynssone» og at «føresegn og plankart vert retta opp i samsvar med merknad». Omsynssonene må markerast i plankartet.

Mellomalderkyrkjegarden er ikkje lagt inn med bandlagt område (H730) i plankart for mellomalderkyrkjegard på Austrheim (Askeladden id 83830-4). Me visar i denne samanhengen til Riksantikvarens uttale, tidlegare fråsegn og e-post korrespondanse, mellom Elizabeth Warren og Sigrun Wølsted ved Fylkeskonservatoren og Asbjørn Nagel Toft, avdelingsleiar i Austrheim kommune, 16.01.2018 og 19.11.18.

Konklusjon:

Med grunnlag i e-post mottatt 05.03.19 som viser utdrag av revidert plankart trekkjer Hordaland fylkeskommune si motsegn til kommuneplanens arealdel.

Eva Katrine Ritland Taule
Konstituert plansjef

Snorre Waage
spesialrådgjevar

Brevet er godkjent elektronisk og har derfor inga underskrift.

Sigrun Wølstad, Fylkeskonservatoren, Avd for kultur og idrett